


KWASSIO – “Who will deliver me?”

ZE KI KURI ME ?

Duo Sondo dzinih, me mi be me ziê bumi kunda puo ma zambi kwar ma pfuma Lessoto. Pfuma na bur mi bèh bvubvu mpe gwuê kunda puo. Bvuli ma puo ri nye mi ke pua buri milima ri. Bi bang bi puo ri nye bi lunda na bvuli ma sindi tenéa. Me ziê léh kunda puo, koh mura ma pfuma zi tahre na gui. Mazuel ma vuh nye mih ri. Ko nye tio na luang bi guiè, na kina “Ze Ki Kuri me?”. Kwahla nga me, lima wang wo biri ma nyana, me yi murah sali bio, me sa gwong. Ze yi na bvuli kwéli me? Ze yi na bvuli vuli ma bio gina ri? me sah na? Bibia bi limbo me. Me yi mura

ZE KI KURI ME?



ma pfuma, ma guiahle duo mpi duo. Me ke bo sondo doli mimbvu bali wumi mi bvu na mimba, di misséa ri mieh kile kwéli mpe kuri me. Bio sili ma me tsanguuele maku mang.

Nye mi ke suê na gui, na kina “Ze ki kuri me?”, me kwali zambi, di bio zih simbo me mpe shui. Nye mi ki na me mi ngu mua wang matahra, na bi lambi mih ri, nye biê me kuong ri pfié. Bio ya kwéli le me, ke ndtoh sondo kile me kwéli. Ze ki zi kwéli me?

Ye me mi ntioh na kina: Mpuogu ma ta zambi bah na we. Ki bahla na nyambala. Mimbvuê miè, bur bobéa bo yi na miè. Kalar zambi biangassa bi guiê bi lima wo. Kanda lang (Rom. 7:15-25). Tsina bo we ki limbo mpi bio mpang vih buri. Di kalar ri ye léh ya vi muri yi na bvuli kuri vi bio ritu. “Sa yéyi mpa, méh ki ye sa, ko sa bio.” Me yi ki sa mpa me wumi, me sa kamba bio me yi ki wumi. “Bio me biri tsindele me nah me bah ki sa mpa”. Sali bio me yi, ze ki kuri me? Kamba ka vi bvahla ta zambi na mua wo Yesus, nye ki kuri vi bio zih ri.

MPIANGASSA

“Bvuma biê na zambi bo Yesus-Krist mua wo.” Rom. 7:25.

“Ka we miahle ma mua, nye ki kuri we bio ye ritu.”


Jean 8:36.

Yesus yi mpiangassa ma bo tsiah bo zih. Mur pfih a bèle na bvuli tsig vi, kamba Yesus (Act. 4:12). Yesus yi na bvuli vuli vi bio zi ritu. Kamba matsiê mo mi shui kros ri ma ziri vi tenéa. Docta dzinih, biang dzinih, muri dzinih, para dzinih, ka na ndto sondo dzinih a bele na bvuli tsig vih, ko sa Yesus na bvuli ma sindi tenéa nye biri.

Yesus mua ma zambi mi zi ni nyinari; mpe zi mbèl mih ma

bo dzimi, mpe zi kur mi nkuma, buri bo dzili ma ziriû ritu. (Esaïe 42:6-7).

BVUMA BIÊ NA ZAMBI BO YESUS KRIST MUA WO



“Ka we buama ma mua (Yesus) we ki be puê-puê kuriga.” Jean 8:36.

Yesus ki na: “Muri sa bio nye nyi lua ma bio. Di ka we buama ma mua ma zambi, we ki be puê-puê kurga. (Jn. 8:34-36). Yesus nye yi puê-puê kur buri. Kros ri bvuo nye mi nung bio zih. Nye mi béh mpéli zi, dzina mpéli ri nye vi yi tsiga na nye. (Esaïe 53:3-7).

Barabbas mi be murah sal bio. Nye mi mbe na bo ki ngu nyè. Koh Yesus mi nung dzi ma Barabbas. Dzina léh na Yesus mi nung dzi ma bo sal bo bio kros ri. Dzina léh na, vih na we, vi yi Barabbas. Yesus mi nung dzi zi kros ri, mpe sa na vi bah na tsiû mi mbéh mi mbéh. Mpil mura ma pfuma sil ma gwuê bi bang bi na, nye mi leh lima wo

bo muri mi kiolo kros ri bvuò (Yesus). Nye mi leh lima; na bio ye yiyia bo zambi. Yéri zambi mi le nye lima wanéa, na lundele nye na sindi tenéa. Zambi mi kiére nye na bio ye, na nvuli nye mpang ma Satan ritu.

Na mpani dol, mura ri nye biri tsiê mbpéh. Nye tsi ma bi-lambi, ki mbéh ndtalué, nye dzi tenéa ritu. Mpil sindiu ma zambi zi ma bo nye, nye mua biahla wanéa (2 Cort. 5:17). Yéri suo wang, bvahla wo bo Yesus bo yi na bvuli kuri we. Langa (Ps. 103:3). Léa Yesus bio ye yéyia. Kia Yesus lima wo dziri, na makah mah béh mo moméa we tahra. Mpili we kié lima wo bo Yesus, na kuriga bio ritu, we ki léh kunda puo ri nye. Yesus nzi zanguéle we mpe kiére bio nye, na bvuli we mabuo ma satani ri. Ziê dziri mpe buama mi kiara. Ka we le ma lima wo bo Yesus, buma mpuo ri nye na léh bur, dzina ma mur zi kuri we (Yesus). Viogo ya vi kwali limbo ma puo ma kuriga wo. (Ps. 103:3).

Le livre du “Coeur de l’homme” peut être obtenu en plus de 500 langues et dialectes parlés dans le monde entier, à savoir: Afrique, Amérique, Asie, Extrême Orient, Europe.

Nous vous invitons à nous contacter pour faire des arrangements concernant de nouvelles traductions de notre littérature nous informant de la langue dans laquelle vous pouvez traduire cette littérature évangélique. Votre aide sera beaucoup appréciée.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à:

E-MAIL: info@angp.co.za

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)